



FEDERACION GALLEGA DE FUTBOL

DELEGACION DE
PONTEVEDRA



Rfa.Clun Zacande C.F.

Adjunto nos es grato enviarles solicitud de inscripción del Zacande C.F. para la próxima temporada en la Tercera Categoría Regional, con su correspondiente documentación, de ser admitido hay que incluirlo en el grupo 14º de 3º Regional.

Pontevedra , 1º Junio del 2000

Por La Delegación




Delegado

Sr. Presidente de La Federación Gallega de Fútbol

LA CORUÑA



C O N C E L L O
DE
M E I S
(PONTEVEDRA)



R. E. L. N.º 01360280
C. I. F. N.º P - 3602800 - I
C. Postal 36637
Teléfono 986 71 20 01
Telefax 986 71 53 00

Resolución da Alcaldía, do 25 de maio de 2000, pola que se autoriza a utilización do Campo de Deportes "Os Campiños", sito no lugar Zacande, parroquia de San Vicente de Nogueira.

"En Meis, o día 25 de maio de 2000, D. JOSÉ LUIS PÉREZ ESTÉVEZ, alcalde presidente deste Concello, dicta a seguinte resolución:

Vista a solicitude presentada por D. Etelvino Balboa Fernández, en calidade de Secretario do "Zacande F.C.", para utiliza-lo Campo de Deportes "Os Campiños", sito no lugar de Zacande, parroquia de San Vicente de Nogueira.

Visto o convenio subscrito entre o Concello de Meis e a Comunidade de Veciños de San Vicente de Nogueira, polo que se cede ó Concello de Meis, o uso do Campo de Deportes "Os Campiños", sito no lugar de Zacande, para que os equipos de Fútbol federados que existen no Municipio, nas súas distintas categorías, poidan realizar partidos e adestramentos, tendo preferencia os equipos federados da parroquia que se constitúan no sucesivo.

Esta Alcaldía RESOLVE:

Autorizar ó "Zacande F.C.", o uso do Campo de Deportes "Os Campiños", sito no lugar de Zacande, parroquia de San Vicente de Nogueira.



REFERENCIA: PR946A 2000/000021-4
SOLICITANTE: ZACANDE FUTBOL CLUB
DOCUMENTO: PR946A.601

NOTIFICACIÓN DA RESOLUCIÓN

Notifícolle que con data 18/05/2000 o Xefe do Servicio Provincial da Secretaría Xeral para o Deporte (P.D. Resolución de 12-9-97, D.O.G. 15-9-97) dictou a seguinte **RESOLUCIÓN**:

“Vista a solicitude e documentación presentada, e sendo conforme coa Lei 11/1997 do 22 de agosto, Xeral do Deporte de Galicia, co Decreto 216/1997 do 30 de xullo, e demais normativa aplicable, é polo que:

RESOLVO:

Ratifica-los Estatutos e inscribir no Rexistro de Asociacións Deportivas e Deportistas de Galicia ó/a clube deportivo **ZACANDE FUTBOL CLUB** co Nº DE REXISTRO **C-06603**.

Contra esta Resolución poderase interpoñer Recurso Ordinario perante o Sr. Conselleiro da Presidencia e Administración Pública no prazo de un mes a contar desde a data de notificación da presente Resolución.

Así mesmo, deberán comunicar e solicita-la inscrición no Rexistro, das modificacións que se produzan con relación os datos consignados (cambios na Xunta Directiva, cambio de denominación, modificación dos Estatutos, enderezos sociais, etc.).

Achégaselle, copia dos Estatutos, e Acta Fundacional, unha vez dilixenciados.

Pontevedra, a 18 de maio do 2000
O XEFE DE SECCIÓN,



Asdo: Carmen Carballeda Perez

SR. PRESIDENTE DO/A ZACANDE FUTBOL CLUB

*** ESTATUTOS DO CLUB ***



ZACANDE FUTBOL CLUB
(Nome do Club)

NORMAS XERAIS :

Artigo 1º.- O/A ZACANDE FUTBOL CLUB

e unha Asociación privada con personalidade xurídica e capacidade de obrar, integrada por persoas físicas, que ten como obxecto exclusivo ou principal a práctica da actividade física e deportiva polos asociados, sen ánimo de lucro.

Artigo 2º.- O/A ZACANDE FUTBOL CLUB practicarán como principal modalidade deportiva a de FUTBOL, e solicitarán a ratificación dos Estatutos e a inscrición no Rexistro de Asociacións Deportivas e Deportistas de Galicia, de conformidade coa Lei Xeral do Deporte de Galicia,

O/A ZACANDE FUTBOL CLUB practicara
mesmo as modalidades deportivas de _____
e para tal fin funcionarán as seccións deportivas correspondentes, sen prexuízo de que a Asemblea Xeral poida acordar a creación doutras.

Artigo 3º.- O domicilio Social do/da ZACANDE FUTBOL CLUB :
fixase na rúa ROCHELA
nº 19 poboación MEIS C.P. 36637
Provincia PONTEVEDRA teléfono 986 715365

[Handwritten signatures]

O Presidente cando as circunstancias o aconsellen, poderá acorda-lo cambio do domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asemblea Xeral Extraordinaria.



En ámbolos casos, o traslado de domicilio social non implicará modificación estatutaria, e terá de ser notificado ós socios, e ó Rexistro de Asociacións Deportivas e Deportias de Galicia.

O/A _____

tamén conta cos seguintes locais e instalacións propias:

CAPITULO II

CLASES DE SOCIOS, ADMISION, DEREITOS E OBRIGACIONES

Artigo 4º. - O número de socios será ilimitado. A Asemblea Xeral poderá suspender, non obstante, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 5º. - Son socios de número tódalas persoas maiores de idade, que satisfagan a cota social establecida pola Asemblea Xeral.



Os menores de 18 anos, clasificaranse como socios aspirantes, tendo dereito ó uso das instalacións sociais mediante a cota que se fixe e pasarán automaticamente a ser socios de número o cumprimento a maioría de idade.

Seran socios honorarios aquelas persoas ás que a Asemblea Xeral confira esta distinción e terán un posto de preferencia nos actos oficiais da sociedade.

Son socios familiares todas aquelas persoas que dependan economicamente dun socio de número e convivan con el no mesmo domicilio.

Artigo 6.-

1.- Os socios de número terán os seguintes dereitos:

- a) Contribuír ó cumprimento dos fins específicos da asociación.
- b) Esixir que a Asociación se axuste ó disposto na normativa autonómica deportiva e ó establecido no presente Estatuto.
- c) Separarse libremente da Asociación.
- d) Coñecer as actividades da Asociación e examina-la súa documentación, previa petición razoada ó Presidente.
- e) Expor libremente as súas opinións no seo da Asociación.
- f) Ser elector e elixible para os órganos de representación e goberno da Asociación, sempre que teña plena capacidade de obrar

2.- Son obrigacións dos socios de número:

- a) Aboar as cotas que esixa a Asemblea Xeral.
- b) Construír ó sostemento e difusión do deporte ou modalidades Deportivas.
- c) Acatar cantas disposicións dicte a Asemblea Xeral, a Xunta Directiva ou Presidente, para o bo goberno da sociedade.

3.- Os socios aspirantes terán dereito a disfrutar dos servizos e instalacións sociais da Asociación.

4.- Os familiares dos socios de número terán dereito a disfrutar daqueles servizos e instalacións que se determinen, previo pago da cota fixada.

[Handwritten signatures]

Ruiz V. (3)



Artigo 7º.- Para ser admitido como socio, en calquera das súas modalidades, será necesario:

- * Te-la idade sinalada para cada unha delas.
- * Solicitud por escrito dirixida ó Presidente.
- * Satisface-la cota de ingreso correspondente.

Artigo 8º.- A condición de socio pérdese:

- * Por vontade propia.
- * Por falta de pago das cotas sociais durante tres meses consecutivos, previo requerimento de pago, e consecuente Resolución do Presidente.

CAPITULO III

ORGANOS DE REPRESENTACION E GOBERNO

Artigo 9º.-

Son Organos de representación e goberno do Club ZALANDE FUTBOL
CLUB a Asamblea Xeral e ó Presidente.

Artigo 10.-

O Presidente é o órgano executivo do Club, posúe a representación legal convoca e preside os órganos de representación e goberno executando os acordos destes.

Será elixido mediante sufraxio libre, directo igual e secreto por e entre os membros da Asemblea Xeral, cada 4 anos.

Artigo 11.-

O Presidente cesará por :

- a) Transcorre-lo prazo polo que foi elixido
- b) Demisión.
- c) Falecemento ou incapacidade física ou psíquica para continuar no exercicio do seu cargo
- d) Aprobación dunha moción de censura pola Asemblea Xeral.

Artigo 12º.- Como órganos complementarios dos de goberno e representación poderá haber unha Xunta Directiva para asistir ó Presidente.

1.- A Xunta Directiva estará formada por un número de membros non inferior a cinco nin superior a quince, e da que formará parte un Secretario e un Tesoreiro.

2.- A Xunta Directiva é o órgano colexiado de xestión do Club, sendo os seus membros designados e revocados libremente polo Presidente, que a presidirá.



3.- Corresponderán á Xunta directiva as seguintes atribucións:

A Xunta Directiva como órgano colaborador do Presidente, non terá competencias propias e exercerá por delegación, as que lle encomende o Presidente, que poderá avocar e revocar en calquera momento.

Artigo 13ª.-

1.- A Xunta Directiva quedará validamente constituída en primeira convocatoria cando concorran a ela a maioría dos seus membros. En segunda convocatoria será suficiente a concurrencia, polo menos, de tres dos seus membros, e, en todo caso, do Presidente.

2.- A Xunta Directiva convocarase polo Presidente con dous días de antelación, como mínimo, á data de celebración.

Artigo 14º.-

A Xunta Directiva quedará tamén validamente constituída, cando estean presentes tódolos seus membros, aínda que non houbera mediado convocatoria previa.

Artigo 15º.-

1.- O tesoureiro da Xunta Directiva será o depositario da Asociación, asinará os recibos, autorizará os pagos e levará os Libros de Contabilidade.

2.- Será obriga do Tesoureiro formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de tódolos asociados

Artigo 16º.-

O Secretario da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de Rexistro de Socios e o Libro de Actas.

Artigo 17º.-

1.- A asemblea Xeral é o órgano supremo do goberno da Asociación e estará integrada por tódolos seus socios de número.

2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela, presentes ou representados, a maioría dos seus asociados. En segunda e última convocatoria media hora máis tarde quedará constituída calquera que sexa o número de membros presentes. Entre a data de convocatoria e o día sinalado para a súa celebración, terán de mediar, como mínimo, dez días naturais e non poderá transcorrer máis de 20.

(5)



Artigo 18.-

A Asemblea Xeral convocarase polo Presidente a iniciativa propia ou do vintecinco por cento, ó menos dos socios de número.

1.- A Asemblea Xeral reunirase con carácter ordinario, previa convocatoria do Presidente, ó menos unha vez ó ano para tratar das seguintes cuestións:

- a) Memoria, liquidación do presuposto, balance do exercicio, rendición de contas e aprobación se procede.
- b) Presuposto para o seguinte exercicio.
- c) Proxecto e propostas do Presidente ou da Xunta Directiva.
- d) Propositions que formulen os socios e que terán de ir asinadas ó menos, polo cinco por cento dos mesmos.
- e) Rogos e Preguntas.

2.- Terá de se celebrar Asemblea Xeral extraordinaria para a modificación de Estatutos, elección do Presidente, toma de cartos a préstamo, emisión de títulos representativos de débeda ou de parte alicuota patrimonial, enaxenación de bens inmoables e fixación de cotas dos socios, e calquera outro acordo previsto nestes estatutos ou que se estime oportuno polo Presidente ou proceda legalmente.

Artigo 19.-

Os acordos da Asemblea Xeral e da Xunta Directiva, serán vinculantes e de obrigado cumprimento e terán forza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité Galego de Xustiza Deportiva.

CAPITULO IV

REXIME DOCUMENTAL

Artigo 20".-

O réxime documental da Asociación, constará dos seguintes libros: Rexistro de Socios, de Actas e Contables.

[Handwritten signatures and marks]
(6)

Artigo 21º.-

No libro de Rexistro de Socios, terán de consta-los nomes e apelidos dos socios de número do seu Documento Nacional de Identidade e, no seu caso, os cargos de representación, goberno e administración que exerzan na Asociación. Tamén especificaranse as datas de altas e baixas, e as de toma de posesión e cese nos cargos aludidos.



Artigo 22º.-

Nos libros de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As Actas terán de estar asinadas, en todo caso, polo Presidente e o Secretario.

Artigo 23º.-

Nos libros de Contabilidade figurarán tanto o patrimonio como os dereitos e obrigacións, e ingresos e gastos da Asociación, debéndose precisa-la procedencia daqueles e a inversión ou destino destes.

REXIME DISCIPLINARIO

Artigo 24º.-

Os Órganos e Socios do Club estarán sometidos ó regulamento disciplinario do Club e ó disposto no título VII da Lei 11/1997 Xeral do Deporte de Galicia e normativa do seu desenvolvemento.

Artigo 25º.-

Así mesmo o Presidente e membros da Xunta Directiva responderán fronte os socios, o Club ou terceiros, dos prexuízos que ocasionaren por culpa ou negligencia grave, de conformidade coa regulamentación propia do Club e o Ordeamento Xurídico vixente.

CAPITULO V

REXIME ECONOMICO-FINANCIERO E PATRIMONIAL

Artigo 26º.- O/A ZACANDE FUTBOL CLUB

someterase ó réxime do presuposto e patrimonio propio coas seguintes limitacións:

- a) Non poderán destina-los seus bens a fins industriais, comerciais, profesionais ou de servizo, nin exercer actividades de igual carácter co fin de repartir beneficios entre os seus socios. Os seus ingresos aplicaranse integramente á conservación do seu obxecto social.





- b) Poderán fomentar manifestacións de carácter físico deportivo en xeral, aplicando os beneficios obtidos ó desenvolvemento das actividades físicas e deportivas dos seus asociados.
- c) OIA ZACANDE FUTBOL CLUB poderá gravar e enaxenar bens inmobles, tomar cartos a préstamo e emitir títulos transmisibles representativos de débeda ou parte alicuota patrimonial, sempre que cumpra os seguintes requisitos:
- 1.- Que se autoricen tales operacións por maioría de dous tercios dos socios presentes ou representados na **Asemblea Xeral Extraordinaria**.
 - 2.- Que ditos actos non comprometan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo se poderá esixir sempre que o soliciten como mínimo o cinco por cento dos socios de número, o oportuno dictame económico-actuarial.
 - 3.- Cando se trate de gravar ou enaxenar bens inmobles que foran financiados en todo ou parte, con Fondos Públicos da Comunidade Autónoma será preceptiva a autorización previa da Secretaría Xeral para o Deporte da Xunta de Galicia.

Artigo 27º.- OIA ZACANDE FUTBOL CLUB poderá recibir libremente doazóns que non excedan da cantidade de 500 000 Pts. No suposto de doazóns que superen esta cantidade será necesaria autorización expresa da Secretaría Xeral para o Deporte da Xunta de Galicia, previo informe da Federación correspondente.

Artigo 28º.-

1.- OIA ZACANDE FUTBOL CLUB poderá emitir títulos de débeda ou de parte alicuota patrimonial.

2.- Os títulos serán nominativos.

Artigo 29.-

1.- Os títulos inscribíranse nun libro que levará ó efecto a Asociación, no que se anotarán as sucesivas transferencias.

2.- En tódolos títulos constará o valor nominal, a data de emisión, e, no seu caso, o interese e prazo de amortización.

(8)



Artigo 30.-

Os títulos de débeda só poderanse subscribir polos asociados, e a súa posesión non conferirá dereito algún especial ós socios, agás a percepción dos intereses establecidos conforme á lexislación vixente.

Artigo 31.-

Os títulos de parte alicuota patrimonial han ser asemade, subscritos polos asociados. En ningún caso estes títulos darán dereito á percepción de dividendos ou beneficios.

Artigo 32.-

Os títulos de débeda e parte alicuota patrimonial serán transferidos unicamente entre os que teñan a condición de socios.

CAPITULO VI

REFORMA DOS ESTATUTOS E DISOLUCION DA SOCIEDADE

Artigo 33°.-

Os presentes Estatutos só se poderán modificar reformar ou derogar, por acordo da Asemblea Xeral Extraordinaria convocada a tal efecto, mediante votación favorable dos dous tercios dos socios de número asistentes.




A reforma destes Estatutos seguirá, con respecto ó Rexistro de Asociacións Deportivas e Deportistas de Galicia, os mesmos trámites administrativos que para a súa inscrición.

Artigo 34°.-

O/A ZACANDE FUTBOL CLUB
extinguirase ou disolverase por acordo de: a) Dos dous tercios dos socios en asemblea Xeral Extraordinaria, convocada ó efecto. b) Por sentenza xudicial. c) Por outras causas legalmente determinadas. En todo caso haberá de ser notificado ó Rexistro de Asociacións Deportivas e Deportistas de Galicia.

Artigo 35°.-

Disolto O/A ZACANDE FUTBOL CLUB o remanente do seu patrimonio social, se houbera, aplicarase a fins análogos de carácter deportivo, ben por acordo previo da Asemblea Xeral ou subsidiariamente pola Secretaría Xeral para o Deporte.

  
(9)



... para facer constar que os presentes
...
foron ratificados e inscritos co n.º 6603 no Rexistro de
Asociacións Deportivas e Deportistas de Galicia, de conformidade
co disposto na Lei 11/1997, de 22 de Agosto, xeral do deporte de
Galicia (DOG 4-09-97)



de Pai de 199 000
O FUNCIONARIO

Asdo.:

[Signature] *[Signature]*